

兩浙輶軒錄補遺

兩浙輜軒錄補遺卷九目

方外

德立

溥映

淨挺

純一

心印

本月

了鼎

大善

宏覺

彬遠

德森

山曉

本晝

戒顯

際源

明方

實賢

大寧

義果

智一

原志

濟斐

隆樹

方璿

德玢

振愚

超明

明鑑

期懷

實智

大瑣

通賢

序燈

明奇

成鑑

湛谷

實然

聖潛

照心

元潤

際能

棲霞

觀樹

明義

靈苗

濟萃

寂進

寂證

超證

際徹

乘戒

學讓

際一

成脩

貝本恒

施錫昌

陳仁恩

徐又孺

梅觀復

朱敏求

陳嘉宣

翟翥縵

劉宗玉

繆鶴鳴

沈仁安

兩浙輜軒錄遺卷九

德立

字鶴雁樂清人  
著菴華園詩

過蒼潛兄精舍

一菴溪曲處向水竹門低橋斷人家隔花深釣艇迷鳩鳴春  
雨後犬吠夕陽西羨爾長無事新詩滿壁題

龍湫歌

雁蕩山水何奇哉令人一見輕天台絕壁去天不盈握龍湫  
直出誰推排眼前忽暗千峯雨耳畔新聳萬壑雷霹靂聲中  
碧雲裂空濛影裏白虹來撞石摧山地維坼傾珠倒玉天倉  
開黃河古今有清濁江潮朝夕有往迴此湫終古流不息疑  
是無根銀漢空中頽寒光萬丈常垂地星辰閃爍盪其裏六  
月漫空飄雪花州以溫名何代始憶昔詎邗逞神異遍歷名

山此遊最手書崖石壁青空萬古濛濛在烟靄

溥映

字朗澗石門崇福寺僧著梨花草

國

汪嘉謨曰聖公明季者宿有詩名入

舊作得若干首顏鼎受序之

謂如遮海鶴音空山人跡云

玉溪菴

日見征帆影往來溪上斜旅亭三面水漁艇一村花路斷松篁寺籬圍桑柘家仙源無可覓心會便非遐

募菊次韻

西日餘光逗此身東籬何可負芳辰  
自來佛地宜寒友忽在君家遇故人  
荒院猶存三迳待蕭齋倘許一枝親  
病顏祇爲黃花瘦飄鉢空空不是貧

老梅

四十餘年手植來新花每向舊枝開只今枝在白雲內花是

白雲雲是梅

淨挺

字很亭仁和人著雲溪近稿

錢塘縣志很亭俗姓徐名繼恩字世臣性至孝嘗因父病割股中明崇禎壬午副車厲鶚曰世臣著名復社後爲僧西溪雲溪菴其所勸也

西溪道中贈懶耕上人

秦亭高望兩峯齊十里寒光壓短溪青嶂半開紅樹影霜橋一帶白雲迷僧行古渡遮鴻跡客語空齋雜鳥啼相對渾忘

時早暮隔林遙指夕陽西

純一

字敏修海鹽朱氏子住硤石惠力寺著補拙詩存

觀趙文敏書巴陵女子韓希孟殉節詩拓本

岳州有女知大節心似冰壺骨似鐵元兵夜襲破巴陵絕命

詞成書啣血自云妾本尚書婦肯教白壁污瑩潔東南已無  
乾淨土甘赴江流飽魚鼈馮夷震駭河伯驚倒流逆送完軀  
出亂離誰復表芳貞夢中特乞王孫筆吁嗟乎王孫真蹟半  
模糊此本流傳世所無國亡不見能完節愧作鬚眉一丈夫

心印

字櫻林  
每寧僧

送張居士權六之任烏程

故人舟楫別禪關且共離尊月一彎每惜花時長水隔更愁  
君去兩峯閒自天詔許開風雅當暑若遊好往還霜候定應  
招野衲羨他官舍靜于山

本月

字照空  
寧波僧

次荅瞿庵大師見寄

特旨宣畱駐帝京舊交自爾隔孤城門連省掖車塵影地遠

山夜雨聲鳴鶴幾聞增別怨驛梅初寄慰離情幽期倘遂林  
泉請共賦歸來白雪盟

了鼎

號霞章  
臨海人

憶徒德彥之武林

越水隔吳山蒹葭露一灣扁舟從此去雙屐共誰攀鶴放明  
湖靜猿呼古洞閒遙知藤笈裏遊草溢難刪

大善

字心宗號虛閑錢塘  
人住西溪俗姓魏

北峰起雲

峰頂白雲起雲起峰峩峩乍疑半嶺雪翻作滿山潮影漏日  
光澹氣蒸天漢遙夜飛溪上宿零雨濕芭蕉

宏覺

字夢破仁和  
人有蝶巷集

寄劉喜符下第



得失於今易地觀，吾將斗酒賀劉安。  
碧翁能解幽人意，放爾歸來理釣竿。

彬遠

字秋蟾號嘯翁永嘉人

讀徐孝直先生詩集次韻賦贈

共向東林訪舊朋，茫茫塵世逐飛蠅。  
一春梅事偏多雪，二月河流已斷冰。  
雨暗金笳空北渚，風高鐵笛滿西陵。  
忍將詞賦添憔悴，身似湘纍在碧澄。

德森

號卓山太平人住黃巖九峯寺

澄靈寺野望

極目蒼茫影澄江，浪漸消松吟萬籟。  
寂雲淡半峯遙澗水，和花落岩藤帶雨飄。  
徘徊忘日暮，何處問漁樵。

燕窩樓和僊子題壁韻

赤霞城裏神僊客曾與寒山扃石壁今朝破壁更登樓千山  
一醉添顏色

山曉

杭州僧

南溪雜興

野風吹歷歷兀坐意能通澗響松濤急山鳴夜雨空雲歸樵  
路外花落鳥聲中春去知何處啼鶻血正紅

本晝

杭州僧

早春張玉書遊湖上

雲起西湖路吾廬蹴水開故人嫌俗縛雙騎出城來春盡散  
微雪鄰家多早梅彈琴徵古調何處可登臺

戒顯

字願雲號晦山住雲林寺有晦山和尚全集

華日南曰晦山詩入

欽定別裁以爲雲南人靈隱志以爲太倉人然受戒金華應  
兩浙輶軒錄補遺

卷九

山曉

本晝

戒顯

際源

四

入浙  
選

登黃鶴樓

誰知地老天荒後猶得重登黃鶴樓  
浮世已隨塵劫換空江仍入大荒流  
楚王宮殿銅駝臥唐代仙人鐵笛秋  
極目蒼茫渺何處一瓢高掛亂雲頭

際源

字學川俗姓沈秀水人

陳傳經曰學川

世宗憲皇帝

賜紫主席湖郡武康縣報

恩寺著有禪餘集

訪放鶴洲

未訪裴公宅先尋放鶴洲  
竹深苔徑狹雲護草堂幽  
帆影簷前落波光檻外浮  
相看吟不盡欲別尚遲留

遊湖心亭

四面清波繞中央別有天危峯當戶立孤塔隔堤懸柳帶朝  
烟媚桃含宿雨妍相看渾不厭竟日好畱連

明方

字石雨住杭城報國院爲開山說法

吳本泰西溪梵隱志石雨師嘉禾陳氏子雲門散本和尚以斷拂子付師自稱斷拂子居寶壽開荒鑿土得石函舍利乃薰禪師燃所也先有嚴居士疏云五百年前石田忌辰正與師誕同其爲再來無疑

九曲嶺

一歌登一曲汗漫不爲遙逼面雲連石過頭杖沒腰竹疏生  
就懶松老養成驕鎖得溪聲住泉流不可招

實賢

字思齋號省菴杭州鳳山梵天講寺僧

贈東阿居士

高蹈謝時輩翛然遠市寰分泉聊灌菽補畫當看山有愛皆  
成癖無求始自閒不須隨物轉當處悟無還

兩浙繪軒錄補遺

卷九

明方 實賢 大學 義果 五

將赴浙中畱別朔方居士

遠公社裏舊遺民，世外相逢說往因。  
千里關山兩芒屨，半瓢風月一閒身。  
扁舟細雨孤燈夜，殘雪寒梅古寺春。  
準擬明年修白社，與君同作種蓮人。

大寧

字石湖錢唐人

寄胡柏菴

時有渡江夢，孤懷歷歲深。  
澹雲歸鳥意，春樹野人心。  
草青圍屋山，花紅滿林向。  
來幽賞地，何日約重尋。

義果

字巨濤住雲林寺有憐草行人集

雲護齋詩話巨公侍雲林諱公執役九年無怠容師命  
參三不是問不是心不是佛不是物是甚麼語未竟師  
打一竹篔因有省卽呈偈云一擊敲開海底天塵塵利  
盡歸源當揚枯出無私句鉄馬嘶風躍九淵刹師領之  
施受付囑斷席雲林

早春過邗上遊平山

東風冰初泮輕帆渡江水爲愛平山遊杖筇閒來此悠然爽  
籟生漸入翠微裏怪松蟠龍鱗老梅破香蕊殿角拂烟雲丹  
臺遠塵滓落日垂西岡層巒列屏几淹留心目清欲歸情味  
已曠色催行人疎林鐘忽起曠然有遐思支節重徙倚

智一

字苾芻住  
秋雪菴

華日南曰吳本泰西溪  
虎隱志苾芻爲後序

秋雪自題

秋窗底事雪彌漫風颭蘆花起釣灘點點定僧衣似濕飄飄  
漁火笠疑寒遠籠竹浪烟凝翠澹抹楓林葉尚丹忽聽小舸  
歌欸乃西巖彷彿認晴巒

原志

字碩撰住雲林  
寺有借巢詩集

王澤宏塔銘言師手刃父仇乃還鄉告祭墳墓  
墓部置其母與弟得所至通州佛陀寺祝髮

### 州李南枝秋日同佟鍾山見訪

經旬雨未休阻我碧山遊擁褐過今夕思君從去秋泉穿谿石瘦雲護草堂幽雙壁不常見吾將老一邱

#### 濟斐

字月用仁和人住佛石寺有蝶巷集

吳灝曰武林江氏名浩字道闢自成童時爲郡守林風林所知拔置第一試輒冠軍庚午遊郡西顧其山水而樂之遂誅茅築屋攜圖書往居焉題曰蝶巷

華日南曰蝶巷詩入諸草廬先生浙詩選號夢破名宏覽與此迥異而其俗姓江名浩又同恐此係草廬之誤  
聞孝直西溪築隱居

臥房堦下插漁竿此事平生慕樂天寄語鄒郎好圖畫一篇秋水看君箋

### 過孝直河渚草堂

世本人情已飽諳吾儕只合俯清湍不求甚解讀書樂亦復  
佳哉與物安蘆葉汀中橫釣艇梅花樹下置蒲團興來高咏  
何人句摩詰淵明陸務觀

隆樹

字樾堂錢塘人淨慈寺僧有懷墅近草

雲護齋詩話樾堂胡氏子投南屏瑜老人脫白

雨後湖樓晚眺

極目湖隄外烟開鏡面平雨餘蓮葉淨風淡樹聲輕坐久襟  
裾爽吟成夕照明卽斯堪小隱何必問蓬瀛

中秋後一日同人夜泛

愛此湖中月輕橈挈伴游清光涵碧宇涼色淨高秋梵磬穿  
林出菱歌逐水流夜分情轉劇風露十分幽

方璿

字睿石松江人住雲林寺有旅菴冷泉巖江等草

雨折猶軒綠蒲貴卷九 隆樹 方璿 德珍 振愚 七



過選佛場

招提來訪不辭遙，行盡松杉過板橋。  
新燕向人尋舊壘，老僧畱客話前朝。  
綠迷曲徑環池柳，紅映疏籬隔岸桃。  
此地悠然真可羨，何時高臥聽江潮。

德玠

字玉山雲  
林寺僧

秋日過米山堂與胡循蜚話舊畱宿

屋裏青山晚，池邊紅葉秋。  
主閒方對鶴，人到不驚鷗。  
傳茗當良夜，挑燈話昔愁。  
茫茫湖海上，誰是泛虛舟。

宿村落

城市那有此，桐陰開竹扉。  
閑庭石苔厚，僻徑野花肥。  
蟬噪隨風落，鴉歸帶月飛。  
偶同村叟話，一坐釣魚磯。

振愚

字拙菴號半  
溪海寧僧

華日南曰拙庵詩盡書法爲陳魏廬程午橋廬雅雨  
請前輩所稱許住揚州石塔寺遂卒著有半溪詩草

過雲樓蘭若

一路盡松竹到門絕點塵  
草花香怯雨山鳥語欺人  
仙梵送清切道情無故新  
何由釋煩累來此寄吟身

初夏卽事

淨綠欲滿寺鳴禽時變聲  
豆花綠架落苔草上牆生  
雲去心俱遠風來夢亦清  
閉門轉幽寂喜得在山情

春日雜興

門掩殘春樂事稀  
鉤簾人靜燕雙歸  
夜來幾陣東風急  
零落

桃花滿地飛

超明

號松圃太平人著松  
濤吟巾峯三嘯集

漫興

蒲團定起茗初香  
簾捲清風夜未央  
松頂一痕山月冷  
流螢幾點逗虛廊

江頭吟

滾滾洪濤出海東  
蕭蕭黃葉舞晴空  
道人不是湘江客  
一任蘆花怨晚風

明鑑

號漢峯太平人著葦菴集

贈友人

羨爾高才類皎然  
卜居深愛草堂偏  
笑揮木馬風前遁  
夢啜泥牛月下旋  
拽杖已過三竺徑  
鳴琴曾泛五湖船  
近來面壁知稀出  
花落鶯啼黯暮煙

期懷

號拙菴海鹽僧

華正清曰期懷母俞氏懷期年而生故名住五磊山有語錄四卷

次益城姚中丞見寄韻

好鳥一聲啼午樹閒雲幾片落閒庭寥寥獨坐無餘事門掩  
青山白晝深

實智

字心如海鹽石門寺僧著閒齋詩草

吳東發曰心如初不知書後因坐禪心光迸露自是遂大通內典兼能詩

題天台拜經臺

智者當年禮石臺九旬講法觀門開香雲不假人間散花雨  
時從天上來佛塔鎮安塵劫盡龍潭清鑑古今該忽然海月  
橫空起照出山山如浪堆

六瓊

仁和人住雲棲寺有石公新舊稿

吳澄曰石公姓顧名若羣

從古法師曲水卷至一公秋雪菴

鷓鴣一鳴百草死芙蓉獨泣江上水更有蒹葭似秋雪湖西  
山淺孤光起遠公結社廬山岑永公怡號東西林丁丁蓮漏  
滴香冷我來折角閒招尋門前湖水鴨頭綠三畝之宮百千  
曲斜陽釣艇拾蘭芽彎堤斷埂遙相屬

通賢

字聖允杭州人雲林寺僧

渡海

一身天地外萬里盡洪濤巨艦雙帆疾中流四面高洪雷奔  
白日亂雪捲金鼇覩此滔滔者浮生毋乃勞

序燈

字奕是杭州人有肅隱偶吟錄

九日吳山讌集值雨次韻

吟懷未許老重陽霜雪無端入鬢長幾度白衣虛令節致疑  
黃菊是孤芳野心一片湖雲外灑氣三秋海日傍山閣若逢

閻伯嶼方君詩思敵王郎

明奇

字具加  
杭州僧

村齋次孫先生可堂韻

爭道書巢莎里東眼前佳趣孰能同  
兩三枝柳輕煙羃四五條橋曲水通  
閒愛清樽依菊影幾攜吟屐入花叢  
隴頭有意傳消息梅蘂先春破小紅

成鑑

字太圓號秋  
泉潮鳴寺僧

奉贈堇浦先生

謝絕高軒過閒居小巷幽頻添爭奕興  
全沒罷官愁酒不因僧戒詩還選客酬  
惟餘懶殘輩心跡恰相投

湛谷

字靈源  
錢塘人

漫興次荅堇浦先生

兩浙輜軒錄補遺

卷九

明奇

成鑑

湛谷

十

細雨斜風逐釣輪，輕寒四月尚餘春。  
時交選佛期，仙輩羞伍尋章摘句人。  
鐵聚九州空鑄錯，書藏萬卷未全貧。  
誰言遇閨黃楊厄，已過階前柏樹身。

四時吹嬾任風輪，閉戶閒消若下春。  
色卽是空空，是色人非磨墨磨人。  
蟲生茶蓼原甘苦，花落金錢足傲貧。  
爲釋爲儒無不可，莫疑老去會分身。

實然

字融庵，自號芋村，嬾夫，秀水人。住普明寺，著有禪餘草。

汪嘉穀曰：融公居長水庵，與諸草廬宮贊張瓜田徵君最友善。宮贊嘗稱其詩能通禪理。後出主普明，半載示寂。詩爲俗僧毀去。

題竹示雪谷

勁節寒能耐清標，暑不侵欲成金玉韻。  
猶在解虛心。

聖潛

字師林，號浮山雲林，寺僧。有藥香詩草，俗姓陸，平湖人。

晚步松風臺同無菴作

薄暮隨休公登臺禮古塔碑荒字微茫樹老風颯脊不見教

海龍

大慧稱爲  
教海老龍

惟聞棲禪鶴瞻依榛莽間林黑凍雲合

照心

號空印寧海  
人著白巖集

贈霞岳老宿

久羨高人跡幽棲得自由猿啼千嶂夕木落半亭秋洗鉢香  
盈袖談經月滿樓俗塵終不染詩句日優游

過海峯與友人話舊

相憶十餘載今來叩竹扉煙消青嶂出雨足綠荷肥龍象周  
迴集天花繚亂飛坐談忘世事鐘磬遠微微

元潤

字濟南臨海人  
著摩松堂詩集

仲夏宿東山寺



傍晚投山寺，飛花點客衣。斷雲流石磴，霽月逗松扉。絕頂風煙沒，他鄉夢寐稀。林高滯暑少，此地可忘歸。

漫興

寄跡巖阿草徑微，篆煙一縷世情違。但教湖海逢迎少，不厭山林伴侶稀。谷口經春茶筴長，洞門積雨藥苗肥。好風何處來，花信燕雀輕斜柳絮飛。

際能

字渭村，秀水東禪寺僧，有磨杵齋詩草。

秋日偕汪雪谷集西竺軒話舊

招尋却趁早秋天，勝地重經憶昔年。蔬引牛唇廚饌潔，茶煎蟹眼水紋圓。黃蠶作面君休笑，青草如袍我亦憐。巷口斜陽紅未沒，看番須著祖生鞭。

時雪谷將赴試

棲霞

太平丹崖僧

竹塢

蘭若藏幽處談空幾度來籙冠穿綠徑芒屨印蒼苔展坐蒲  
三尺清神茗一杯涼軒無酷暑真得好懷開

觀樹

桐鄉  
俗

惠雲雙塔

鳥背斜陽立凌烟啄蘚葑雲陰聊共影河漢挿雙峯暗響疑  
神語空香拂梵宮當年藏舍利光射斗牛中

明義

字佛日號聊  
閣住理安寺

雲公洗硯圖

天開地闢一西湖付作雲公洗硯圖只恐春烟春霧長惱人  
越洗越模糊

靈苗

字培風杭州  
人住天竺

赤鼻歌

我生難比冠玉佗，胼胝先具誰規摩。春風屈指已四十，鼻根未壞朱顏醜。相從心起我心白，相從心滅我心赤。素容素質乃天真，何乃年年傷落魄。或言甘酒肺家風，世人皆醉將無同。或云坐久生虛火，達摩九載如何坐。我觀百物根先枯，大木揭然爲灰芻。不然渥丹將謂何，病根合在山之阿。

濟萃

字奕山雲林寺僧

冷泉亭

滴瀝辭雲竇，泓澄北磻陰。亭餘玉局墨，記載樂天吟。影浸杉古光，回殿閣沉軒。車如到此六月已，寒心

寂進

餘杭徑山僧

題王周畫石林茅屋

幾許崎嶇石橫空直似山松杉行布列苔蘚色爛斑缺處誅  
茅補閉門帶月關此回真得意夢不到人間

寂證

字焰雲雲  
林寺僧

雪夜

雨雪連三日空山布衲單澗邊泉響咽天外雁聲寒不寐更  
偏永懷歸歲又殘天涯多寂寞隨我只蒲團

超證

號完履黃巖人住仙居方岩與上座  
魯珍以詩唱和著有燕翼軒詩集

山居漫興

結宇樂深山山靈亦許可雲霞竹外生日月簷前墮澗水鳴  
琤琮巖花爭婀娜懷人道每遙涉世事恒左獨坐靜披襟忘  
機無物我

春日山行

萬山稠疊百花明  
鳥語溪聲爽客情  
更有白雲看不厭  
幻成蒼狗嶺頭橫

際微

字袍清嘉興白蓮寺僧

春雨和金際和上舍韻

乍舒霽色復鳴雷  
憑眺瓶山又一回  
水漲裴公調鶴島  
雲沉顧况讀書臺  
濠梁輪轡喧還寂  
蹊迳梅梨落更開  
長羨高齋時話雨  
關心風雅未全灰

乘戒

字炳乾號拙頭陀嘉興人嘉興白蓮寺僧

春雨和金醉墨上舍韻

丁東聲不斷茅檐萬物還  
須膏澤霑米氏畫圖分大小  
孟家詩句絕廉纖  
浩然集中無春雨詩  
梨花濯處溶如月  
草色經時青入簾  
他日晴閒憑眺遠  
高峯文筆露尖尖

學讓

字月樵南海取極樂庵僧著有后谷詩集

雨後

竹窻新雨後衣袂集涼颼愛靜嘗疎客閒行每得詩游魚翻  
荇葉倦鳥踏松枝持鉢僧歸候吟蟬欲歇時

閒詠

年來深覺事紛紜覓得茆菴遠俗氛有水儘堪涵夜月無衣  
剩欲剪秋雲生風慣淪盧仝茗鼻篆時焚荀令薰冷笑昌黎  
無傲骨安貧還作送窮文

習觀

二十年來等霧霾根塵着力共推排從教樹倒藤枯後到處  
青山骨可埋

登鷲鼻峭

孤巒下瞰咽江潮怪石谿衍似沃焦  
隔岸有山飛不到白雲天際作浮橋

際

一字浮牧號雪橋海鹽人嘉興南院僧著有田衣生詩鈔

客中寄懷王山人槐堂

記從燈火裏送我上船時回首望雲樹  
因之感別離春風去日遠客夢到家遲  
異地仍無賴懷人獨詠詩

揚州

跨鶴翳纒引興高來尋舊跡不辭勞  
關心鼓吹腸空斷過眼繁華首獨搔  
千載春風隋苑柳二分明月廣陵濤  
流螢往事如相問豈妨

憂柳和全際和尚韻

王郎老去髭垂絲芳草斜陽舊繫思  
霜露未零憐婀娜別離

重見惜驅馳溪橋拂拂招涼候池館悄悄望雨時怪殺一陰生以後風前已減幾分姿

成修

字模菴嘉興香海庵僧著有達意齋詩文集十四卷

秋夜卽事

新秋雨霽後閒眺倚柴門童子垂頭睡寒蟿恣口喧亂螢飛亂草孤棹泊孤村靜裏無窮趣怵人勿與言

見月如遜敏二徒賦新秋詩卽次其韻

又見桐飄葉衰翁笑口開涼風吹戶牖清露滴莓苔大火看流去嘉禾待熟來莫輕拋羽扇殘暑尚遷徊

貝本恒

餘杭洞霄宮道士

遊大滌洞天

沿溪傍谷尋幽去同訪樓真謁洞天瀑布白拖秋水遠層巒

兩浙輶軒錄補遺

卷九

成修

貝本恒

施錫昌

五



青與暮霞連千村穉稼黃初熟一徑玲瓏碧自穿宮觀欲頽  
歎匪惜敢期重爲闢荒烟

施錫昌

字旅岩

吳山九日宴集值雨感賦次方漢水韻

雨中菊放趁重陽詩興無如此日長滿座豪吟思往事幾人  
秋思對寒芳髮羞露白冠先側眼喜靨青山更蒼且醉茱萸  
酬令節漫歌巴曲和仙郎

陳仁恩

餘杭洞霄宮道士

和陳觀察兩遊洞霄宮詩韻

懷古尋幽徑偕賓詢舊宮尊賢瞻宋蹟佚老念朱公踈雨滋  
林景微霜醉葉紅文從天造得浩氣滿空濛

徐又孺

字吉臣號葵亭吳山元妙觀道士著有葵亭詩稿

冬日山齋偕同人分韻

誰道忘心心便空  
高吟爭似養屯蒙  
幽棲未遠緇塵迹  
清課惟看野菊叢  
子午泉西新月白  
癸辛街北夕陽紅  
草窻雪巖猶相對  
喜得羣賢尚古風

元妙觀小遊仙詩

八仙樓畔綠雲稀  
樓上群仙日日遊  
拍掌忽逢青鳥使  
傳來瑤島桂花秋

九色元龍五色獅  
風廻八景碧空馳  
會真閣上羣仙聚  
招我游仙正此時

梅觀復

吳山元妙觀迎真院道士

華日南曰觀復

國初爲鄧都都紀精五雷法呼梅爛頭至今人多道之

上清宮雷壇春望

丙折首并染浦書

卷九 梅觀復 朱敏求 陳嘉言

春風催早起雷嶺獨登時浩浩春如海深深柳弄絲骨峰雲  
歷亂隱樹殿參差長嘯招仙子飛來野鶴遲

朱敏求

字古堂吳興城隍廟道士

乙未秋上清送舍山還錢塘

飄泊西江五十年送君偏是早秋天仙巖有路同登訪鬼谷  
無門共勉蒨新雁一聲紅蓼外歸人千里白蘋邊男兒立志  
祛塵障莫使芭蕉鎖冷烟

陳嘉宣

字戴墨吳山重陽菴道士

山居

黃木爲冠葛作衣澹然無欲是元機茂林深處人來少獨掩  
柴門坐翠微

臨終偈子

虛無自然安吾素潔治宮庭如六腑五十八年已過師朝聞  
夕可亦何怖

翟翥

字太音吳山重陽菴道士

山樓晚晴

溪邊纔雨過蒲暮與何長小徑侵流水高峯挂夕陽江明帆  
影亂夕霽竹聲涼更有情怡處穿霞雁幾行

夏宿開元寺

禪院臨江渚蕭然出上方月明山寺迴風送海潮涼梵響來  
空壑鐘聲破夕陽庭前松栢老夜靜獨聞香

劉宗玉

吳山中興觀道士

華日南曰宗玉精六壬曾賣卜吳山詔吉凶悉驗有劉半仙之稱

湖上春興

今朝恰逢上巳又來湖舫高誦彷彿蘭亭景象不開口笑如

何

繆鶴鳴德清道士

華日南曰鶴鳴嘗入上清宮習五雷法飲酒至一石不醉後入天目不知所終

除夕

年華荏苒又殘冬雲水為家事事慵酒債雖無詩債逼俗情  
漸澹道情濃霜天一字還鄉鴈烟寺三聲報曉鐘問我金丹

真口訣菴前笑指歲寒松

沈仁安字純一號雙橋石門人吳山文昌廟道士

城隍廟志仁安自幼聰敏超然有出塵志遂至吳山清秀房受業于王克新讀書穎悟間為韻語輒工尤善鼓琴歲壬午  
翠華幸浙仁安跪迎嘉禾水次因倩朱笠亭為圖如沈歸愚

傳玉篋錢香樹齊息園諸公皆題詩紀之

自題采芝圖

彈琴鎮日坐空山  
雲自忙時心自閒  
却笑靈芝何處覓  
芒鞋踏破不知還

兩浙輶軒錄補遺

卷九

兩浙輶軒錄補遺卷九終

兩浙輶軒錄補遺卷十日錄

彭孫璿 葛宜 錢鳳綸 徐德音 俞浚

邵鼐 徐義和 顧如 王元禮 徐爾芳

沈咏南 顧長任 王靜淑 柴貞儀 楊守儉

楊守範 牟氏 陳氏 陸若松 莊淑人

丁文鸞 湯朝 倪仁吉 楊克恭 楊芬

葉素娘 沈淑孫 沈佩 王安寧 李氏

宋氏 齊氏 邵斯貞 潘楚碧 吳淑

徐宜人 馮氏 倪氏 卓璪 孫文嫻

費孺人 查安人 朱如玉 董琴 陸全

吳氏 許學蘊 顧瑤華 陳德 黃珮

孫又青 朱衣珍 孫蘊雪 裘容貞 陸氏



沈金柴源孫淡英余蘭素袁杼

金氏袁常袁杰徐葉昭俞韜玉

查淑慎孫廷楷沈貞孫廷鳳金氏

徐瑩程芬周志蕙顏芳在顏宛在

茅紉蘭沈蘭沈文媛查萊汪汝蘭

邵文媛邵英媛張氏徐錦李如秀

黃峻金蓉李芷王範金氏

吳氏

兩浙翰軒錄補遺卷十

彭孫瑩

字信芳海鹽人諸生徐復貞室著碧筠軒詩草

聞陳姊歸信

別後經時塞草秋  
接來尺素慰離憂  
客途風雪侵雙鬢  
遙望鄉雲雨地愁

夏日病起

午睡拋書帙  
閒庭病起時  
蟬聲催夢斷  
花影傍簾移  
驟雨荷香發  
微風蕙氣吹  
晚看煙景媚  
落照更相宜

秋懷

中庭風露正淒涼  
良夜無眠恨轉長  
蕉鹿已成三載夢  
菰蒲不耐九秋霜  
每蓬佳景思知己  
聊展殘編悟法藏  
何日向平婚嫁畢  
天邊矯首白雲鄉

庚申春日送羨門弟婦朱孺人北上泊舟閩門歸途遇

風雨夜宿吳江

歸途風雨正堪嗟  
濁酒村醪未可賒  
楓岸春波隨徑折  
虹橋夕漲趁風斜  
孤舟小住依漁火  
殘漏頻催咽戍笳  
惆悵客帆何處有  
相看岐路各天涯

葛

宜

字南有海軍人朱爾邁室著玉窗遺稿二卷

陳傳經曰閩南有夢中得蕭蕭木葉送殘秋句知爲不祥未幾卒遺稿女史李因序而刻之

送日觀遊蜀

蠶叢天地險  
劒閣古今愁  
揮手從茲別  
難爲芳草秋  
猿啼三峽樹  
月挂九江流  
不盡憑高目  
西風獨倚樓

錢鳳綸

字雲儀錢塘人黃式序室

華日南曰雲儀與顧榮姬柴季嫺林亞清馮又令張槎雲毛安芳號蕉園七子見名媛繡絨

關山月

驚鳥啞啞啼不休征夫遠戍關山頭尺書頻年秋復秋深閨  
好女背人愁涼蟾夜色當高樓霏雲溼露空悠悠玉兔半昏  
冷湘篔簹籠小咽淒更籌天河明滅橫斗牛飛激冰輪使倒  
流繽紛桂葉枝幽蚪多結子花何處求卻憶城南安石榴

美人梳頭歌

新林一聲啼綠鳥三十六宮春欲曉牀上轆轤牽素縷秋水  
溶溶鏡光冷漸看紅日卷珠簾雙彎卻月眉纖纖玉鳳斜飛  
鞞金蟬珮環搖搖曳湘煙下階獨自摘芳蕖櫻桃笑儂不結  
子

輓安芳

粉香零落冷衣篝架上殘書散不收明月未知人事改清宵

依舊照妝樓

徐德音

字淑則，德潛旭齡女，中書許迎年室，有淡淨軒詩集。

名媛，繡絨淥淨少時，嘗飾男子裝，對客衣上墨審斑駁，清獻公絕愛憐之，且謂生男如是，當不誤改金根。

出塞

六奇枉說漢謀臣，後此和戎是婦人。能使邊庭無牧馬，蛾眉也合畫麒麟。

三月望日樓居火後示大兒佩璜

高樓一炬委荒蕪，補屋何從更賣珠。釀酒已無田種秫，打門猶有吏催租。晝操薪桂慵拈筆，夜對缸花學辟繡。盡付鬱收無長物，舟居陸處總艱虞。

白紵歌

羲和六轡迴蒼龍，長紅小白粉作叢。織枝綽約隨流風，翩翩

冶態如驚鴻一寸眉峰暈春碧酒潮欲上蓮頰赤熱心擬化  
百枝燈長倚君王照瑤席

俞

浚

字安平仁和人諸生鄉長會室著有平泉山莊偶集

華日南日安平居臨平鎮父工計然術富而無後中遭家難故多哀怨之音及笄歸鄭日相倡和甚得兼工小詞

烏夜啼

城上烏終朝啞啞啼高梧高梧一夕經霜死老烏含血還哺  
雛十載劬勞恩不薄流離夜半聲何惡落月驚風迷故巢南  
飛三匝空悲號

烏柏歌同慕韓作

北風蕭蕭寒氣烈時序變遷逢小雪園亭澹慘日沈煙紅樹  
滿山葉齊脫門外竹梢啼老烏霜枝零落朽幹枯前村後村

收柏子老烏剝啄何爲爾

邵

肅字梅英  
仁和人

祝仲嫂毛夫人四十

小築幽清樂事偏唱隨朝夕咏詩篇事親遠過男兒孝遠下  
誰如母氏賢簾外梅花呈秀色堂中銀燭吐青煙親交此日  
爭相賀環珮珊珊儼若仙

徐義和

仁和人

爲毛安芳姪婦四十

椒酒新盛琥珀光幾行歌舞在華堂綠池春暖欣魚出翠愜  
風和見鶴翔映座喬松還獻壽遶庭玉樹漸生香詩篇靜好  
人人誦倡和樓頭下鳳凰

顧

妙字榮姬  
錢塘人

毛安芳輓歌

憶昔當春時壽君慚不文未幾聞君喪奄忽如流雲流雲過  
眼空悲怨大火西流時倏變玉樓金屋網蠶蛸西風葉落空  
深院淒涼寶瑟掩餘音慘淡菱花冷釵鈿尚憶當年對鏡人  
鏡中鸞死悲嬌面織錦詩成那得聞墨池寒浸琉璃片不知  
何處弔君魂草白磷青望中見

王元禮

字禮持杭州人  
有梅笑軒集

屋漏歌

昨夜茆齋寒凜冽江頭老樹呼風入同雲密密煙霏霏隔岸  
漁翁似僵立苦思絲酒解愁顏徧向囊中看羞澀屋荒漏滴  
無乾處癡兒頻跳青鞵溼大女如癡小女拙臥啼門東索果  
栗怒罵不應反挽肩家貧憐汝安能比九日泥濘一日晴遙



望山林轉蕭瑟

湖上同柴季嫺朱順成

向暮游人絕同君步曲塘有山盡秋色無水不荷香雅調傳  
金軫閒情寄筆牀誰言閨閣友相得在詞章

題毛烈婦遺繡

一代幽貞麗管彤鍼神還與薛娘同開奩忽墮思君淚滴向  
當年手澤中

贈朱順成子就姻西江

此去洪都遂好逑春江花月送行舟自來佳婦稱難得爲汝  
高堂喜不休

徐爾芳

字爾友  
杭州人

白石樞

五月山榴燦似霞，忽經梅雨洗鉛華。  
白雲萬點留春色，素纈千重換絳紗。  
縞秋乍親逢石醋，練裙欲如誤梨花。  
折來試其紅葵，插照眼分明粉頰斜。

沈咏南

字俱儀  
杭州人

徵詩咏滇南四景

并引

戊辰夏日閒居鹿園書室時花柳參差筆墨在御偶  
憶幼時隨先君宦遊京師滇黔所過名山大川指不  
勝屈其最勝如銀壺磨盤之山六百里松陰蔽日洞  
庭彭蠡之水千萬頃鯨浪滔天至於風花雪月在滇  
南九甲宇內風曰清風驛地無塵人馬飛渡稍遲卽  
吹去花曰上官花每朵十二瓣月開一瓣迨冬時爛  
漫勝牡丹遇閏月則開十三瓣相傳爲仙人所栽云

若夫點蒼山之雪春夏不消洱海底之月朔望皆圓  
倘所稱洞天非邪余年幼白腹空疎未經題載敢拜  
文妝或詩或畫惠我珠璣咏南之幸也初不計瓠礫  
之妄投焉耳

南游千萬里從小客天涯山絕雲飛騎波橫龍戲植有心貪  
看月無計更移花風雪多奇致觴歌乞謝家

顧長任

字重楮  
仁和人

湖上遠眺

雨過湖山淨堪描入畫圖浮煙迷遠岫落照映平蕪樹帶南  
宮墨山同北苑鋪橫波移釣艇恐失鳥歸途

王靜淑

字玉隱山陰人王遂  
東次女著清涼集

秋日菴居

空齋度深夜高臥一牀秋苔老渾無色溪清淺欲流塵隨紅  
葉掃心付懶雲收蕭瑟聞征雁空歸萬籟休

柴貞儀

字如光  
仁和人

汪嘉穀曰柴貞儀顧長任沈咏  
南沈蘭王靜淑王禮持諸家見  
國朝名媛詩鈔爲沈歸愚  
尚書鑒定今竝存之

題雲護菴

欹側茅菴靄霧侵柴門曲徑費幽尋千林繞屋藏山曲衆鳥  
歸巢愛竹深嶺月夜窺華鬘相松風幻作海潮音禪颯不是  
仙源隔莫遣桃花護洞陰

楊守儉

字斌音海寧人中允中訥女海鹽  
淇縣縣丞彭載奕室著靜君閣稿

楊秉初曰先中允公歸田後卜居觀鄉築別墅曰楊園  
先從祖姑于歸彭氏朝夕省侍詩稟庭訓多清麗之音

春日至南園感懷二絕

曲廊惟有燕雙飛楊柳垂青覆釣磯花信自開還自落芳菲  
不待主人歸

藥闌花榭記曾經苔徑荒涼迹已陳草木不知人事改依然  
粧點昔時春

送別

離亭衰柳拂征驂珍重臨歧囑再三漫道魂銷銷未盡夜深  
和夢到江南

讀史有感

摘瓜抱蔓歸燃萁煮豆泣嗟嗟骨肉間波瀾生呼吸

南園雜感次升卿韻

游倦歸來笑解裝剪燈促坐話行藏愁多雪點安仁鬢客久  
金空季子囊得失均忘休問馬去來無定類亡羊可憐不盡

相逢意塞北風煙正渺茫

鴛湖曲十首之四

畫船煙雨迴層樓一里湖光一里愁  
目斷春城蘇小墓不知何處弔風流

梅里雲箋起樣新何須空羨薛濤名  
不知錦帶澄波綠可及飛花蜀水清

美人遺跡杳難尋學繡里邊春草深  
惟有荆釵蓬鬢婦桔槔戽水插秧鍼

畫譜當年說陸家吳娘妙手近無加  
還村更有如神筆彤管風流散彩霞

楊守範

字靜閣海寧人兵科存理女錢塘諸生顧宜曾室

題畫梅

晴香疎影雪霜姿無限春光占一枝景物依然人事異綠窗  
非復看花時

牟

氏

黃巖人廣州推官賢女夏濬室

華日南曰牟嘗以醉蟹寄夫附書曰無腸公子待介胃橫行偶爾濬醉如法治之解上風趣可想又聞其少年有文氏與倡和

立秋雷雨初晴與外共限韻

一葉驚秋雨般雷欲住時寒蛩猶未覺促織已先知翦燭同  
清話含毫各逞思微風生夜月雁影落芳池

秋樓遠眺

秋風遲我一登樓檻外山楓錦色稠一片白雲歸雁急半林  
黃葉暮蟬收

陳

氏

天台人攸縣知縣溥女諸生齋重光室著斷腸集

華日南曰氏爲息園宗伯叔母  
卑寡守志其集宗伯爲作序

### 追悼亡夫

年踰強仕志昂藏忽爾仙游別故鄉  
墨帳幾年緝卷軸青衫一領裹文章  
參苓潑水身難贖刀尺關心我忍忘  
捨地呼天亦慘遺將風雨送行喪

所天一去若星奔妾淚絲絲袂有痕  
五夜英風悲落葉千山秋雨聽啼猿  
淒涼架上珊瑚筆惆悵窗前鸚鵡樽  
聊寫梅花和月影仗他香魄弔靈魂

陸若松

字長青自號龕山女史海寧人  
葛惠保室著永庵詩選

俞寶華曰葛惠保字適周康  
熙庚戌進士官上猷知縣

### 署中秋夜和適周韻

誰憐作客又經秋坐久閒庭夜氣幽  
離思空隨青嶂繞歸心



遙寄白雲浮孤城畫角驚殘夢遠浦寒砧送暮愁憶得五湖

明月好莫將塵俗負漁舟

莊淑人

鄂人太常卿元辰女南瑞總兵周在魚室

華日南曰淑人詩

附見周總戎集中

寄外

遠人渺渺客天涯寂寞園亭冷舊家愁緒曾團百結線衰容  
鬢點六飛花兒童長大衣衫短門戶伶丁賦稅加賤妾自能  
甘齋粥也難無米竟炊沙

丁文鸞

字鳴和長興人涪川令嫠女適海鹽桂陽令沈雙文著有倚雲樓詩稿

華日南曰鳴和性至孝母王氏病篤封股救之而愈詩亦絕去脂粉氣

渡江

擬指金山一葦航清江白練勢汪洋接天蘆葉連雲白曝背

金鱗映日黃雪浪交橫  
鯨織帕雲帆並過雁  
排行江妃虐戲殊無賴  
泊處回頭尚渺茫

丁酉九日和韻

時在南皮  
尊璋署中

九日登高足勝遊  
相從眉案邈名流  
今來古往閒中意  
紅樹青山望裏秋  
如我漫窮千里目  
請君更上一層樓  
當年不敢題糕字  
畱與詩人作話頭

都中寄懷姚錢兩女兄

榴紅分手各東西  
五月俄聞鷓鴣啼  
金殿玉樓連北闕  
青林紅樹憶南溪  
月中桂子誰同賞  
花底鸚哥強自攜  
姊妹天涯寥闊甚  
幾回腸斷望鄉迷

次韻

紅葉西風霜徑秋  
黃花籬落動人愁  
嬌紅且喜亭亭立  
獨自

空庭晚豔留

次韻晚春

漲水連堤碧籬花滿院  
香流鶯啼老樹戲蝶過高墻  
舉目春將暮  
驚心日漸長  
開簾雙燕入  
猶自補巢忙

春暮雜書二絕句

一年好景清明近  
已覺春光大半休  
終日對花無一語  
惜花  
花不爲人留

半簾斜日梨花白  
捲上銀鈎雪有香  
乳鴨池塘微步處  
綠萍  
茵褥睡鴛鴦

聞家嚴卒于涪川悲痛無極漫成哀詞

護惜掌珠失恃兒  
相隨官閣共歡悲  
乙未遭先慈之變  
即令女赴任  
深閨  
禮節勞嚴訓  
插架篇章作女師  
許字頓教離膝下  
歸寧每戲

預門楣長安兩度春冬侍父往口外來回俱由京中女時在都兩侍膝下誰料今爲

永訣期

芙蓉館示兒輩

蓉桂秋香滿院清東籬黃菊欲舒英此閒亦等城南墅莫墮

南宮祖父名

湯

朝字蕉雲號椒盈長興沈元咎室著椒雲詩稿

陳傳經曰蕉雲詩與无咎合刻者號笙磬同音其咏鳳仙詩吳玉樞云意婉情深自况甚高吳晉陶云工麗不露纖巧咏物能手故遂以此得名

鳳仙

寄跡蒼苔曲徑邊芳非已過豔陽天丹山有侶難生翼蓬島無名也號仙籬菊晚香交甚淡海棠秋月笑爭妍若教飛上秦娥指別有清音泛夜絃

兩浙輶軒錄補遺 卷十 湯朝 倪仁吉 楊克恭 十

七夕

織盡雲綃月一梭  
鵲橋橫處步凌波  
天孫莫怨銀河濶  
不似人閒風浪多

倪仁吉

義烏人

王阮亭曰仁吉善寫山水尤工篇什先考功曾得其全集

題宮意圖

調入蒼梧班竹枝  
瀟湘渺渺水雲思  
聽來記得華清夜  
疎雨銀缸獨坐時

楊克恭

字德基德清徐志豫室

華日南曰德基女家廣陵但歸于吾浙應入浙選

病餘對雪用蘓公此臺壁韻二首

一陽初轉力猶纖  
滕六司權合肅嚴  
松偃正窺披覽客  
竹敲

渾灑引車鹽小鬟忍凍獻蠶白凍雀愁饑絮盡檐無奈畏寒  
長袖手焚香暫露指雙尖

鏡裏新更兩鬢鴉漫嗟歲月轉輪車如何示寂維摩室又見  
飄空天女花剡曲典闌應返棹灞橋吟苦未歸家阿儂蛸縮  
寒如許腹稿吟成手懶叉

楊

芬

字瑞季湖州御史沈  
懋華繼室有瑞華集

華日南日宜人母張羽仙兼工詩  
畫因得其家學妙淑秀亦工詩

鴛鴦

春暖池塘煙草齊彩毛初浴淨無泥眠沙聊借莎爲褥戲水  
還將浪作梯繡上羅衣相對舞織成錦帳一雙樓菱荷香處  
深深隱任爾虞羅傍碧溪

題維揚張烈婦傳二首

一朝擘鼓動漁陽破鏡拋殘悵各方玉質自甘投烈焰姓名  
好並宋姬芳

由來節義重乾坤留得丹心永不湮其子于灰燼中得大赤心多少衣冠

迎馬首負期何必笑西隣先與隣媪約同死至期媪逃去

葉素娘臨海人諸生吳樂圃室著有寒香錄遺草

華日南曰素娘父珂玉館唐峯愛吳藥圃才面訂字以女未幾珂玉死里人煽其事謂吳先有所訂百計開阻

素娘守貞不字幾十年獨郡守張公為成其婚于歸未幾而卒

侯嘉緒曰素娘才質於古名媛中當兄事若蘭弟事淑真卽書法井井亦在文待詔董尚書間又謂素娘固孝女其事婦姑又為孝婦非僅

以墨汁脂香流播當世也戚學標曰素娘同時又有素輝閩女史洪氏為陳婦三

歲而寡矢志相舟以詩畫自遣曾見其和雪王詩三十

首自稱椒江無名女子有東風不管愁深淺日日開門

掃落花及私自團圓我自缺傷心怕見月光浮之句惜

全篇皆夫之記又聞其女弟適張氏才名亦與相亞

納涼

樹杪樸輕羅涼生貼貼波避人開玉匣還自掩金訶浴罷風  
來細香清夢亦多今宵有微月幽意待如何

中秋次雲華妹來韻

綠雲觴漫訝來遲正憶臨風玉樹姿去約飛瓊諸姊妹琅玕  
一曲集瑤地

沈淑孫

湖州人御  
史懋華女

春閨

十四  
歲作

苔侵幽徑草芊芊寂寞蘭闈晝捲簾燕蹴落花紅片片鶯採  
垂柳綠珍珍春深小院遊蜂鬧日煖西窗繡線添閒倚畫樓  
凝望眼雲橫遠岫黛痕纖

沈

佩字飛霞桐鄉人石門吳  
起代室有繡餘殘稿



蘇日南曰飛霞爲青壇侍御子婦工詩  
及琴畫贅婿逾期遠爾天逝可哀已

題畫

野水平橋方日暮  
山人倚杖來還去  
試覓春光在何處  
落花茫茫烏啼樹

柳

浚浚鶯黃細細絲  
舞餘時困小腰肢  
隋堤春色初連水  
灞岸晴光已滿枝  
弱絮籠煙鶯語滑  
柔條過雨燕穿窠  
曉風吹醒三眼未  
詎望章臺如翠眉

王安寧

名失以字行長興人太湖李一心室

華日南曰安寧幼失父母嫁一載而婿僅遺一女安貧守志可尙也

父繡雲受髮

無幾垂肩髮已齊  
學梳雲鬢侍親闈  
願天憐取孤雛在裙布

還祈換錦衣

自嘆

兩鬢飛蓬懶畫眉  
愁顏脈脈對斜暉  
冰心一點無他事  
祇願

泉扃同穴歸

李

氏

平湖人  
潛修女

古狂筆記云  
女子許字單氏  
子未幾夫亡  
李欲歸單守志  
父母憐其年少  
姑緩之  
比服闋  
李年二十四  
作絕命詞  
自經乾隆二十七年二月六日也  
單氏聞之迎其柩與夫合葬焉

絕命詞

惡耗驚傳最慘人  
幽明路隔淚盈巾  
幾回欲絕心猶轉  
不忍

長拋白髮親

今朝決計欲長辭  
君在黃泉可得知  
只願雙棺同穴葬  
幽冥

渺渺好相隨

兩浙輜軒錄補遺

卷十

邵斯賢

身日

身日

身日

身日

身日

身日

身日

身日

身日

身日

身日

宋

氏

鄞縣人 命憲 宋儒 女仁和 陳輔室

詩觀二集 氏美 而文唱隨 歎甚

訣夫

崑山片玉本無瑕 女子生來願有家 豈料中途妾命薄 莫教兒女着蘆花

齊

氏

天台人 諸生重光 女監生 陳庸 藹室

華日南曰 氏有斷腸集行 世觀 哭父一詩 知家學矣

哭父

慈幃膝下課工頻 轉聽悲聲自憐神 生女真無關緩急 黃泉何路贖親身

邵斯貞

字靜嫻 餘杭人 訓導陸蓋思 繼室

西湖竹枝詞

錦帶橋邊荷芰香東鄰兒女昨催妝  
凌晨棹槳採花去生怕  
前頭逢玉郎

未到清明土斛肥寺前新圻白薔薇  
買得酒來魚正熟月到  
湖心蕩槳歸

潘楚碧

字湘文仁和人湖山令顧巽父室

寄門人錢雲儀

雞鳴風雨好相依共惜庭前花影微  
一自河橋千里別幾番  
魂夢暫時歸春禽着意來書幌  
夜月懷人到竹扉惟爾新詩  
能寄遠開緘不異覩清輝

吳

淑字仲梅錢塘人守戎吳孔皆女新安注碧園室

酖夫子見懷韻

西風庭院碧梧秋銀漢初斜火欲流  
却誦新吟添別恨江南

兩浙輶軒詩補遺

卷十

馮氏

倪氏

倪氏

十四

江北不勝愁

徐宜人

石門人監生董行灝女  
遵化州知州承勳室

董熄曰宜人詩有意度惜  
年三十三卒未竟所作

雁字

兼葭白露雨茫茫欲寫離騷第幾章若到衡陽腸易斷迴文

題罷下瀟湘

馮

氏海鹽人

落花

小園春欲盡歷亂見飛花汝蹟真無賴吾生信有涯相思愁  
遠道離恨越年華待挽芳魂任鶯啼過別家

倪

氏同鄉人石門費勝初  
繼室著映雪齋吟稿

過羅氏宅

井序

余有女適王溪羅氏未幾婚亡女攜孤雛恒住吾家  
其空宅爲余往來桐華溪上所必經之地詩以誌感  
幾年玉樹閨幽泉燕子孤飛影自憐忍溯媒時持踵語願渠  
長締白頭緣

空庭無主長莓苔蛛網重門黯不開明月那知人已逝清輝  
猶照讀書臺

歲饑有感

五千文字劫餘灰何物充腸細嚼梅未了心情隨分去不堪  
境遇逼年來解囊敢有分金望走札休因乞米裁正好窮途  
留氣節何須一飯受人哀

卓

琛字文瑛仁和人舉人嶺異女海  
寧監生陳奕昌室有俯滄樓集

海寧州志琛仁和唐樓里人生而明慧好讀書年十八  
歸昌昌本廣東司李殿桂子爲伯之杰後尙李履嶺表

琛以沈宜人門戶獨支請歸所後見因世數棺縱橫敗屋中泣語奕昌急葬焉

新秋坐月

清光斜照碧窗幽夜色堪憐最是秋侍婢尙牽金井水玉盤

涼浸小茶甌

孫文嫻

仁和人以榮女嚴知方室

隨父至玉泉省母墓

歡喜相隨過玉泉松林一拜轉淒然生平纔識西湖面追想

慈顏淚暗懸

費孺人

慈谿人諸生

華日南曰孺人爲余妻族幼時從其兄某學詩文于歸後有所作詩之妻中不輕示人中適同祿散失殆盡一

詩乃鄭徵君動郵寄者

省墓口占

寒食思親掃墓來松楸蕭瑟鳥聲哀文章漫計新阡表口澤  
依然舊酒杯泣奠重披春草綠傷心屢見杜鵑開光陰易過  
邱成古分付孫曾世世培

薄暮候濤山卽景

日落蒼山山色青潮回大海海波平山氣海氣漸昏黑一輪  
又向半空橫何處火雲燒千里東船西舫夜燃燈轉篷倒逐  
飛波捲赤岸紅沙澈底清珊瑚生魄鐵網敷榮驪龍吐氣頷  
下懸星吁嗟乎竹洲瑤島桃花津古來曾有幾人行如何獨  
坐仙巖扁三山飄渺開雲屏

查安人

編修許焯室查  
太史慎行孫女

俞寶華曰安人詩  
時見學稼軒集中

酬外見寄次元韻



聞說公儀兩却魚清風儼續四知餘直看一介同金穴始信  
千鍾棄土苴小草未知鴻有志故鄉不柰雁飛書還思天畔  
馳驅日白髮慈堂正倚闥

朱如玉

字又寒七和人諸生  
魯宗鎬室著齋香集

注由敦魯孝婦傳畧孝婦歸宗鎬後有以事屬宗鎬關  
說者婦勸弗與其舅聞之曰兒婦可稱閨內嚴師矣

懷妹

是愁是病兩踟躕知爾慙慙悶不舒同在一方爲姊妹恍如  
千里隔音書人生榮寵皆成幻女子才華更是虛須識三生  
緣早定小樓休要日欷歔

董

琴

字暉慈烏程人副貢生亮女  
諸生蔡雲室著帶吟集三卷

華日南曰琴適夫婦皆能詩夫中年歿絕不復作越六  
年亦卒所著無聞閨綺靡氣習見董調夫詩萃中者尤  
老

秋夜偶作寄呈兩大人兼請過茗

獨坐夜將分疎櫺花影上寂寂人盡眠但聞蟲語響愁人正  
難寐詎無故園想去歲當此時歸寧遇秋爽盆菊頗芳香舫  
軒更清朗膽餅插蔥蘭日夕供幽賞繞膝訴離情詩義細求  
講骨月皆畢集空庭詎能廣此中猶未足叔母姑蕪往更深  
上高樓樓虛但月晃對此一悽然憑夢遙相訪今年秋漸老  
寸衷長如擣半載未安眠櫛沐隨遲早開卷日漸昏對鏡顏  
逾槁遙知父母心念我鬱懷抱書緘露深情醫方廢參考因  
齋足疾家嚴屢寄醫方并論治法多至數千言愧乏甘旨供反累憂心悄無計慰椿  
萱數行聊草草寄語暫舒眉瘳病應將好小園蔬蕘植高閣  
榻預掃探梅既有期扁舟破蘋藻

幽居雜興

經年無過客庭畔草如茵翠鶴成交友烟霞作主賓典衣收  
古畫留米給貧人不解紅塵事幽居養性真

新修前樓落成詩以誌喜

高樓新葺後依舊自清閒簷淺因留月牆低爲看山鐘聲莫  
雲外樹影夜窗間最喜書連屋長吟得掩關

陸

全

平湖人諸生王坦  
室著有松石居詩

華口南曰松石青年寡鶴繼體早天陳撫州卽題其吟  
卷云誰寫千秋幼婦詞可憐字字斷腸詩何當翻作孤  
鴻操彈盡淒涼寡女絲松石歿後平湖兩修邑乘所登  
節孝傳三百餘人而松石不與焉湖上一首乃上塚有  
感而作

湖上

紛紜桃李鬪芳妍湖上春晴劇可憐孤塚不知誰是主空留  
野草色娟娟

吳

氏

字青霞海鹽人處上沈三錫室有青霞寄學吟情陰樓刺稿等集

華日南曰青霞爲中丞麟瑞元孫女家學自殊

細草

繞砌纖纖碧綠牆密密滋試看霜雪裏不減歲寒姿

吳宮詞

承恩暫喜奉君歡金屋琅玕六月寒日夕新聲將案拍紅菱

先薦水晶盤

許學蘊

字玉樓錢唐人安定知縣應際盛室有玉樓吟藁

華日南曰大令官秦中時封公惠來年近八旬難奉遠行留夫人侍養恪盡婦職

得川中家信

連接天涯字深知遠客情官閒街鼓靜民樸訟庭清薄祿娛  
堂上安居荷聖明靜觀消息理蒼鵲肯虛鳴

丙子年... 陳德 黃珮

顧瑤華 字曉芬錢唐人福建知縣襄樹榮母有自怡草

春日寄四妹

花逐東風發柴門柳半垂烏啼春氣早人病曉妝遲感物悲  
身世驚時恨別離何年重聚會三復鶴鴿詩

陳德 字如璋海寧人慈谿鄭文園室

鄭勳曰如璋為余族祖母工詩遺僑居武林家遭火遺集盡失

題簡香族孫雲湖觀梅圖

象芳彫盡此偏榮玉立亭亭澈眼清好倩春風催結子老人

拭目看和羹

黃珮 字冰芳錢唐陳寶鑑室

王崑曰冰芳精尺素工書小楷有骨力

重陽寄懷寶維

重陽自是故良辰  
滿徑黃花欲醉人  
懶向籬前還獨坐  
把杯時復憶陳遵

孫又青

餘杭人

咏月梅

梅花一夜發  
高樓烟色微  
茫素月流何事  
姮娥慵折桂  
偏尋春色到羅浮

朱衣珍

字也點平湖諸生陸夢求室著有樹護小草

徐焦飛曰外姑隨夫高蹈居東湖之銀杏村設鄉塾爲童子師與亡妻素心閉門偕和三句九食樂而忘貧庚戌元日賦詩得明月清風常伴蒼松翠竹自成家之句笑曰此鬼語也是年果歿

村居寄懷

寂歷荒村晝捲扉  
柳條如線覆魚磯  
閒搜畫篋蒲盧長  
手捲珠簾燕子歸  
棠棣有懷傳尺素  
棘薪無計報春暉  
盈盈一水

兩折層軒綠蒲茸

卷十

發書

朱衣珍 孫繼雲

七

愁難越 悵望東城淚溼衣

冬望

孤村茅屋小於舟 蘆荻花稀水不流 彌望寒雲天欲雪 雁聲

雁亂下汀洲

孫蘊雪

字貞白嘉善人平湖諸生 郭又槐室著有紅餘集

燕

堂前燕剩尾 毵毵王謝亡 來事不堪九十月 春風又雨落花  
飛絮到江南

聯翩瘦影入廻塘 南國春來處處忙 日暮東風簾未捲 一雙  
無語立斜陽

裘容貞

字貞吉錢塘人張輿 孫室有函貞陽詩鈔

積雨

積雨春深後蛙聲鬧綠溪烹泉聊試茗看燕自啣泥破壁添  
苔蘚荒園長蕨藜思親情愈篤忘却素琴攜

陸

氏

太平人李  
與珂室

偶作

舉目天邊月自新清虛宮闕淨無塵不勞將此娟娟色來照  
霜閨孤另人

沈

金

字竹梅平湖人諸生  
松室著有山青堂集

徐熊飛曰竹梅爲沈子卜女幼工吟咏潘令尼稱其溫  
厚和平綽有風人雅致二女皆能詩附見山青堂集

咏燕

雙雙却爲補巢來貼地爭飛翠尾開曾向畫簾深處坐呢喃  
如訴別離哀

答弟婦施瑞芝

可折曾年桑浦貴

卷十

陸氏

陸氏

沈金

柴源

子

子

子



憶其村莊結比鄰無端別後數經春  
筵門多少傷心事差澀  
空牋寄故人

感舊

靜聽更聲初夜深新愁未減舊愁侵  
細將往事燈前數吟到  
傷心淚滿襟

回文

川際水橫雲漠漠樹盤松舞草芊芊  
鮮花滿迳飄香遠浴罷  
輕鷗立檻前

柴

源字瀚如錢塘人別駕孫字  
奇室封宜人著雪堂詩稿

吳灝曰宜人於柴靜儀夫人稱祖姑夙有家學甲辰以  
子選試吏迺養至漢禪中丞欽其詩學延爲女師并序  
其詩集刻之

紫薇花

官樣花于官署宜半年相對賞奇姿  
楊誠齋句紫葳長放半年花薄膚褪  
盡惟存骨老幹凌空不見枝紫綬碧雲看處好香堦茗椀坐  
爽遲台垣占得滇南景勝向黃昏伴草詞

孫淡英

字菊人嘉善人長山知縣孫衍女

卜居東陸港

漫言日暖擬遷喬性癖由來慣寂寥  
秋雨蛩吟修竹逕春風鶯語綠楊橋  
鹿車共挽心偏遠鴻案聯吟興自饒  
莫訝濤箋無便覓隔牆早已種芭蕉

余蘭素

字晚香會稽人

汪氏雙節詩

從一兵庸德時窮節亦奇不知斑竹淚何似小星詩  
白鶴雙童路松楸匪故壘里人傳負土猶迷兩媚名

再折前序

余蘭素

孫淡英

余蘭素

袁杼

三

哀

杼

杭州人遊松江韓永思有樓居小阜

春日偶成

碧紗窗外日初紅  
看女梳頭畫閣中  
稚齒已能移曉鏡  
疎簾不怯坐斜風  
階消臘雪尋春蕊  
天捲衆雲送去鴻  
底事西隣有蕭寺  
一聲鐘到小樓東

金

氏

烏程人董三鳳室著綠意問咏

華口南曰氏娶居年未四十持門戶撫三孤不愧懷清詩亦雅

哭外

鴻案相依二十秋  
每懷風木淚常流  
懔懔夢斷魂難返  
素絰圓寬恨不休  
家乘未終乖宿願  
丁卯秋倡修族譜未成而茂長歲遭幸  
輿穿甫就忽仙遊  
丁卯喪慈北雅橋爲合鎮津梁所係  
龍蛇自是文人厄  
忍聽空閨詠

桐舟

閱遺書有感

檢點遺編訓弱孤，筆花畱跡未全枯。  
從今地下修文去，遙望書堂得句無。

雨中楊柳

輕風剪剪雨絲絲，無限勞情是柳枝。  
小閣捲簾春睡起，市橋一望總迷離。

袁

榮

字雲扶，號秋翁，杭州汪孟翔室有瑞餘吟藁盈書閣遺藁

春閨雜咏

佳節清明又一年，梨花深院斷腸天。  
東風微雨添惆悵，捲起湘簾聽杜鵑。

數椽幽屋絕塵囂，無數庭花手自澆。  
也有不平閨事海棠，牕下讀離騷。

兩浙輶軒錄補遺

卷十

袁榮 袁杰 徐葉昭

三

袁

杰

仁和人  
翰林從妹

奉和簡齋太兄見貽原韻

地隔鄉關夢解通，忽來詩訊自南中。  
宦遊結宅隣江令，歸隱名墩屬謝公。  
舊約未忘聯舍月，新吟頻憶對牀風。  
只應晚歲相依樂，剝許追陪玉局翁。

徐葉昭

字克莊，烏程人。詩賢，教諭。海甲女海亭諸生。許堯谷室。著賦思齋文稿。

俞寶華曰：撰人為余婦之伯母。億乾隆戊戌，余行反馬禮，出詩稿示余，置袖中。酒闌索之，已作神物化去。孺人頗以為憾，載其事于職思齋文集。中今從友人處惠寄副本，亟為錄入，以慰孺人云。

夜坐

草閣寒燈雨，孤村老樹秋。  
不眠知夜久，獨坐嘆生浮。  
四壁蟲何急，空階螢亂流。  
那堪鴻雁起，嘹唳過汀洲。

除夕

今夕是何夕椒花已媚天漫驚添白髮且喜慶新年門貼宜春字兒催歷歲錢一尊開笑口長幼樂陶然

咏梅

嶺頭芳樹開何早占斷春光到古原一夜山中皆雪意幾枝竹外是烟痕西溪清淺初籬落東閣黃昏月在門報答主人肌骨瘦深冬莫遣雀聲喧

俞韜玉

字隱伯海寧人錢唐徐吳昇繕室著鹿門草

梅花畫幛

羅幃一幅寫寒芳掩映輕紈韻更長樹隔曉烟還有色花當夜飲若聞香清姿倩伴幽人夢瘦影橫陳高士牀好是午餘猶兀坐瓊枝不惹蝶蜂忙

查淑順

海鹽人諸生馮桂住室著撰秀軒藁

華日南曰淑順割股療父以孝聞

夢後哭父

饑鼠窺燈滅復明綺窻月冷夜三更分明獨坐拈針線猶聽

爹娘喚女聲

孫廷楷

字芸軒錢塘人江山訓導孫元灝女貢生俞鈺室著有詩雲閣詩草

朱彭曰聞秀孫廷楷與妹廷鳳克承庭訓俱枕風雅楷月夜看梅詩有春寒花淡泊夢致月孤清之句爲余所賞後歸俞赤浦不數載病歿年僅二十五妹廷鳳縗姻閨中唱和甚相得也未幾赤浦早逝廷鳳守節事姑撫子又以勞瘁亡蘭摧玉折咸院借焉

月夜詠梅

獨坐暗香生疎枝牕外橫春寒花淡泊夢破月孤清淺酌情殊適徵吟句未成忽聽風竹亂問夜已深更

桃花紙

弱質已同蛛網輕  
中書窻上得佳名  
而今細檢桃花紙  
比較桃花太薄情

沈

貞字九如一字雲華海鹽人諸生馮功送室

蘆汀絮雪

海郭寒凝正朔風  
檝花吹遍荻花叢  
夜深無月明如晝  
添得漁燈一點紅

孫廷鳳

延楷妹貞生俞鉅繼室著貞松閣詩

思父

遙憶椿庭天一  
方晚來寂寞倚  
迴廊淒風易入  
愁人耳苦雨  
偏侵陋室牆  
雞肋功名原有  
定羊腸世路已  
親嘗還憐旅館  
蕭條夜月落燈  
昏憶故鄉

金

氏

烏程人 中書秉樸女 監生董紹宗室 著蘭玉軒稿 一卷

兩浙輜軒錄補遺

卷十

沈貞

孫廷鳳

金氏

十四



悲秋

倦向妝前整瘦容  
欄干倚遍恨無窮  
黃花總是愁中老  
楓葉都應淚染紅  
入戶小蟲驚冷露  
歸巢孤燕怯秋風  
幾回欲把寒衣整  
未舉金針意已慵

梅花

寒香寂寂繞幽窻  
肯並羣芳鬪艷妝  
春雨春風渾不受  
願隨冰雪共爭光

徐

瑩

字素輝號漱庵海寧人有過翠軒小鈔

擬宮詞

珠箔銀鈎夕照時  
珊珊玉佩響丹墀  
蒔花小摘纖纖手  
閑倚雕闌聽子規

程

芬

石門人烏程諸生施重芬室著吐鳳軒稿

華日南曰芬二十而寡  
居母家守志以苦節著

### 孤鴈

關山經歷遍孤鴈獨呼更念爾常無伴思羣只苦鳴深宵江  
月白長路曉霜清寄語閨中婦嗷嗷聽此聲

周志蕙

字解蘇錢塘人  
諸生陳仲衡室

### 柳

歲歲逢春春可憐爭禁三起又三眠絲絲愁緒隨風亂濯濯  
丰姿著雨妍古渡欲牽遊子棹離亭畱贈旅人鞭一聲長笛  
河橋晚回首蒼茫幾樹烟

顏芳在

字柔仙桐鄉人湖州  
周某室著偶葉璋

### 送春

豈料春歸迅臨岐乍別離綠酣鶯語澁紅瘦蝶魂痴冷淡無

兩折道子綠浦遺  
卷十 周志蕙 顏芳在 顏宛在

五

情緒淒清斷尅期欠伸方欲卧風雨暗燈時

顏宛在

芳在妹  
桐鄉人

遺稿二絕句

秋入重門夜似年  
麝蘭香燼不成眠  
梧窓坐聽瀟瀟雨  
挑盡殘燈獨黯然

黛痕消滅兩眉峰  
強起臨妝意已慵  
對鏡自疑非故我  
可能描取舊時容

茅紉蘭

字秋佩烏程人  
訓導茅應奎  
女長與李志廣室  
著綠窻集

華日南曰秋佩妹  
纒蕙亦能詩惜早卒  
失傳

燕至

越燕雙雙疊畫梁  
和風庭院日初長  
深閨莫羨簾前舞  
秋去春來易斷腸

哭楊氏姊

蓮枝身後更伶仃  
遺得孤雛止二齡  
何日成人知憶母  
依稀可記舊儀形

夏日憶家大人

楚越迢遙江路長  
繡牀底事細思量  
薰風盡日吹蓮葉  
蘭芷還應繞膝香

戲染指甲

玉露盈滋金鳳晚  
晚來頻摘付香奩  
停針漫搗銀缸下  
試取猩紅染指尖

遊春詞

湖上桃花三十里  
城南新到七香車  
弓鞋窄步披簾出  
不斷春風屬內家

暮春苦雨

柳絮隨風竟日閒，陂塘春雨浸濃烟。蘇堤一片空濛色，較比

桃花更可憐。

沈

蘭字蕙貞，嘉興人。著續餘道華雪齋詩餘。

和芳姊遷居韻

心不沾塵俗，何妨塵市棲。烏鳴春樹裏，花落小橋西。文采超今古，風光借品題。於斯堪寄隱，奚更羨林溪。

釣鼈磯觀水

此是釣鼈磯，鼈隱無從釣。悵望水瀟漫，坐久餘清照。

沈文媛

平湖人，諸生潘宗敬室。

徐熊飛曰：文媛為竹梅姪，父符，母梅，抱瑞芝，皆工詩。夫貧復多病，資文媛紡織度日，事姑以孝聞。

咏鵝

水村贏得鳥羣看緩步分行上小灘不用主人門外喚自呼  
名字自歸闌

查

萊海寧人戊申舉人許申璪室

和竹灣杏花韻

不爭春色幾分添怪道幽閨日下簾多事午橋消息至春愁  
提起上眉尖

汪汝蘭

字聽月海寧人許申璪繼室

春日咏懷次潤民從弟韻

病餘機杼事蹉跎花樣時翻怕擲梭矮屋簷低巢燕少疎窗  
紙破受風多愁城檢點平生業書蠹經營分外魔試問韶光  
留幾許斷垣新綠上藤蘿

邵文媛

平湖長女

咏梅

聊將寒玉賽花王  
每向東風壓衆芳  
堪笑不爭穠蔭處  
偏從憔悴發清香

邵英媛

平湖人  
松次女

燕

遠灘海嶠越重關  
經過千秋林與萬山  
只爲補巢芳信早  
不辭勞苦社前還

張氏

桐鄉人  
烏程生員沈思美室  
著繡餘雜詠

乙巳立夏日與外

良時令節休離別  
一室團圓好把樽  
春色欲歸君又去  
東風小雨怨花魂

花落無聲盡掩門  
瀟瀟微雨怕黃昏  
東風肯把春畱住  
對榻

銜盃好細論

春日舟中

鶯聲啼過畫橋西  
女伴相邀泛雪溪  
隔岸人家臨水住  
竹籬門亞杏花低

雪

懶整烏絲愛擁爐  
霏霏密雪下平蕪  
詫他屋角穿偏透  
試覓山尖淡欲無  
着意鳴機謀卒歲  
驚心索句怕催租  
庭堆碎玉終何用  
卻認楊花糝徑鋪

徐

錦嘉興人諸生朱辰  
應室有紅餘小草

朱辰應行略妻徐年二十一歸余會余女弟將嫁大母  
卽世又盡脫簪珥以供喪費既館于外家惟一被搗以  
去至冬妻擁敗絮有覆無薦每日之夕篝燈操作漏三  
鼓瓶火燭滅兩齒相搏矻矻有聲則繞室環走台暖氣  
自內出卽又操作如故既解衣兒女體若冰結哺以乳  
輒惡嘔以故兒女都不能長養而妻亦以此彌年疾疾



繫其身悲  
夫悲夫

野步

野塘風嬾煖青草亂羅裙緩步依春色微吟向夕曛岸花無  
意落沙鳥自成羣回首兄和弟迢迢隔暮雲

送春

芳徑殘英掃地空風車雨馬太恩恩年年愁病當三月柳絮  
梨花一夢中

日長深院繡簾閒忍見殘紅滿地斑蝶板鶯簧畱不住畫欄  
咫尺是陽關

李如秀

字小蘇錢塘人徐吳  
別側室著芳菲草

春雨

原野青如積園林翠欲垂桃夭含密蕊柳嫩歷柔枝宿霧晨

偏合浮雲晚不移山光終變鬢芳草轉迷離

黃

峻

仁和人諸生煒女以宿業得疾自求出家落髮而卒

宮詞

長信宮中侍宴來玉顏偏映夜光杯銀箏彈罷霓裳曲又報西宮侍女催

金

蓉

字榮英仁和人御史錢栻室有小荷詩屋吟藜

喜得過寧羗州家書

時序平分候生憎薄暮天襟期託豪素詩思赴觥船葉脫驚霜早蛩吟入夜偏弦桐譜秋月清韻亦琅然

聞蛩

機杼何曾理多勞報早寒鄉心千里外夜雨一燈殘著意催吟鬢留情倚曲闌秋風滿庭樹簌簌葉聲乾

李

芷

號荅湖女史仁和

李方湛曰妹幼能詩與三妹世閨中相倡和年二十八歲未字而卒後檢其遺篋得五七言小詩一冊計百餘首借乎天斫以年所造止此也

秋日病起作

柴門深閉日西斜寂寂空閨靜不諱病起却逢秋正好捲簾

籬下看黃花

初夏

效韞  
糖體

柳蔭池塘靜人間景寂寥綠濃鶯語澀紅瘦蝶魂消微雨春

初去薰風夏又交倚闌天欲暮新月挂林梢

王

範

字幼嫻桐鄉人諸生李龜  
阜室著有蕉雨樓吟卷

病起

阿難咒罷淨軍持病起春風倦不支繡閣湘簾垂十二落花

如兩雨如絲

樓頭屈戌畫常局惆悵朝來倚翠櫺  
茶飯粥魚心自在碧闌干裏寫黃庭

金

氏

吳江人桐鄉副貢生施會錫室

桐鄉縣志金氏年二十九夫亡子福元方七齡絕粒數日欲以身殉姑諭撫孤而止長登賢書守節三十二年乾隆丁酉題旌

病中寄外

晴鶯恰恰柳疎疎小閣涼生午夢初  
多事日長添病課一窗花影校醫書

吳

氏

海寧人監生陳其道妻

送子夢蘭之處州

老病不勝酒何堪送別杯吾衰今日甚  
汝去幾時回人共秋

帆遠心隨落葉摧  
明年春草綠  
莫待杜鵑催

兩浙輶軒錄補遺卷十終